

valles præcipiti ac rapido cursu proruens, magno sæpe boatu ac murmure ex alto decidit, atque hinc inde multos ignobilium fluviorum rivos colligit. Si lacus septuaginta terræ jugera occupat, ad urbis occasum est. in eo In collis visitur, ad Insulæ modum efformatus.

Secunda Urbs

LIEVCHEV.

Lieuheu civitatis territorium, ut cum Sina nostro auctore loquar, pellucidis aquis, montibusque plenum latissime extenditur; à salicibus nomen urbs habet, quasi dicas Salicum urbs, hoc enim Lieueheu significat; illi subsunt civitates duodecim: 1 Lieueheu, 2 Coyung, 3 Loching, 4 Lieuching, 5 Hoaiyuen, 6 Yung, 7 Lai-pin, 8 Siang, 9 Vuçiu, 10 Pin, 11 Cienkiang, 12 Xanglin.

*Antiqua
nomina.*

Priscis temporibus ad Pegao pertinet hæc regio, sub Cina familia ad Queilin, sub Hana Hyolin; Chin rex Siang, Tanga Lucing primum, mox deinde Lieueheu nomen dedit, quod ad hæc usque tempora servat, inditum à flumine Lieu, cui adjacet, quod quamplurimas in ripis alit salices. Herbas quasdam eximias prorsus ac præstantes pro medicis usibus, adeoque vehementer expetitas producit, interque eas herbam Pusu sive immortalem, ut vocant Sinæ, quia semper virens domi adservatur. Duo nobiliora fana habet heroibus dicata, quorum unum Lieueheu dicitur, ad exilem lacum Lochi musæis ædificiisque splendendum, quem incolæ frequentissime adeunt.

Laudatur à Sinis Vuciven civitas, quod ingeniorum præstantia & acumine ejus cives præ reliquis eminent, multosque quot examinibus Doctores, ac præfectos Sinis det.

Montes.

Sienye mons ad Australem urbis partem est, in eo plura rara notant Sinæ, ingentem nimirum cavernam; altissimum verticem, qui veluti paries unus ex uno lapide totus ad perpendicularum exsurgit; domum lapideam, aliaque similia, quæ in montibus considerant, amantque Sinæ.

In ripa fluminis ad Notapeliotem est Hocio mons, seorsim & ab aliis separatus existens.

Xintang mons prope Siang civitatem altissimus ac præruptus est, adeo ut vix pateat ascensus, in vertice tamen amœnissimum

habet lacum eumque piscosum, circumquaque floribus ac arboribus septus est: magno labore hunc ascendunt harum rerum curiosi Sinæ, ac ob loci amœnitatem ab hominibus illis, quos numquam mori fingunt, & Xinçieu vocant, multum frequentatum olim fuisse prædicant.

Cin flumen ex Hoaiyuen promanat territorio, inde descendens Loyung transit, & Siang civitatem.

Lieu flumen fluit ad occasum urbis, dicitur etiam Ço flumen & Kung, originem ducit è Queicheu Provincia prope Cingping castrum; inde Tucho urbe superata, hanc Provinciam ingreditur per territorium urbis sequentis.

Tolo flumen ad occasum Haiyuen hanc Provinciam subit, ac versus Austrum pergens, prope urbem cum Ço flumine conjungitur: ejus origo est in Queicheu Provincia, ad Liping urbis territorium, prope Cheki munimentum.

Tertia Urbs

KINGYUEN.

Ambiunt hujus urbis territorium maxima ex parte horridi ac formidandi montes, estque vicinum agrestibus adhuc, & incultis hominibus monticulis Provinciæ Queicheu, ex qua in hanc Provinciam ingredientia flumina primum excipit, Tugni nimirum & Ço. subsunt urbi civitates novem, 1 Kingyuen, 2 Tienho, 3 Sugan, 4 Hochi, 5 Hinching, 6 Nanchuen, 7 Lypo, 8 Tunglan, 9 Pangti.

Auriferam regionem esse scribunt, at incolæ illud tantum ex fluminibus colligunt; ubique fert Arecam, nuces Indicas minores, Lichias. olim Pegao fuit, sub Hana familia pars hujus regionis ad Kiaochi, alia ad Genan dynastias pertinet: Tanga familia Gaocheu urbem hanc dixit, hodiernum nomen Sunga dedit Imperatoria familia. duo numerat fana præ reliquis conspicua.

Y mons solus ob exilitatem & humilem situm notatu dignus est: cum enim ceteri omnes montes altissimi ac vastissimi sint, hic à Sinis tanquam à ceteris multum diversus notatus est, jacet ad Boream urbis, ubi etiam ingens mons Tienmuen, sive cæli porta, sic à duobus dictus verticibus.

Ad borealem urbis partem fluit Lung fluvius, qui etiam Cokiang & Lieu dicitur, de quo supra.

Quar-